

# na cai

# 12

## Ochobre, el meyor homenaxe la llucha

Mocedá d'Izquierda Asturiana planió'l mes d'ochobre como'l de les lluches sociales, baxo'l lema "Ochobre: el meyor homenaxe, la llucha". Un mes nel que n'alcordanza d'una revolución como la del 34, **mias**>> quixo reivindicar aquellos valores de los que fai usu anguaño, los de la **solidariedá** y la **revolución social**, la **llucha énte les imposiciones** y el **fascismu**. Asina, la organización de mocedá sacó a la cai diferentes campañes coles que reivindicar un **mundu** y una **Asturies meyores**: con más **xusticia social** y más **igualdá**, onde s'apueste pola **paz**, onde les agresiones, les armes y les imposiciones nun seyan una constante na vida de les persones.



Campañes '06:

Pacifismu  
Oportunidaes  
Republicanismu  
Antifascismu



Foi ésta, pa **mias**>>, la meyor manera de facer homenaxe a aquellos mueres y homes que llucharon n'ochobre de 1934.

**xusticia social >>**

**mias**>>  
**antimilitarista**

Mocedá d'Izquierda Asturiana desendolcó una campaña contra les esibiciones militares en xeneral y contra'l desfile de la Guardia Civil n'Asturies en concreto. La campaña tuvo como oxetivu la sensibilización de la población énte la esaltación bélica.



Pa ello, repartiéronse miles de panfletos informativos nos que se pidía a la población una indiferencia absoluta hacia esti tipu de "celebraciones". Al mesmu tiempu, yeren les propies y los propios militantes quien informaben na cai del qué, el cuándo, el cómo y el por qué d'estos actos.

El día'l desfile, colgáronse cuasi una ventena de pancartes d'otres tantes pontes y muries de la capital asturiana y la redolada, nes que s'espresaben mensaxes pacifistes y antimilitaristes.



Como yá se señalara na presentación de la campaña, la **organización nacionalista de mocedá** consideró esti desfile como un **petite señaldosu** y de **maneres antigües** que namás pretendió sacar a pasiar peles cais d'Uviéu elementos bélicos que poco aporten a un momentu actual onde lo verdaderamente importante ye facer un **apueste pola paz**, el **diálogu**, la **igualdá** y la **solidariedá**. Esti tipu de desfiles militares tráennos la semeya más rancia y escura: la de la **imposición** y les **armes**, como un souvenir del fascismu.

Según comentara'l portavoz nacional de **Mocedá d'Izquierda Asturiana**, **Carlos Suari** "nun ye nengún arguyu sacar les tropes a la cai, paez más bien la toma d'una ciudá que tenta de facer una vida normal y cotidiana y que ve ensin esperalo nin pidilo cómo cientos d'uniformes y grandes cantidaes de material armamentísticu mos ocupen".


## emigración>>

### mias>> despidió a les lleendes urbanes

La emigración moza que carez Asturias y l'actitú despótica de los principales cargos políticos asturianos, encabezaos por Vicente Álvarez Areces, son los dos principales frentes d'esta segunda campaña qu'organizó **Mocedá d'Izquierda Asturiana**.



Tal como esplicó l'economista **Carlos Fernández Fuente**, responsable de **Polítiques de Desendolcu Socioeconómicu** de la organización, **mias>>** plantió esta campaña n'apoyu a la **mocedá emigrante d'Asturies** analizando'l problema de la emigración masiva de moces y mozos asturianos/es que conlleva terribles **repercusiones sociales y económicques**, por culpa d'una **inoperancia gubernamental absoluta**.



La campaña tuvo como **actu central** una **despidida** de les "leyendas urbanas" -Areces dixit-na estación d'autobuses d'Uviéu. Ellí repartióse, ente otu material informativo, el **Manual de la Mocedá Emigrante d'Asturies**, un documentu que busca la **concienciación** y la **sensibilización** cola fondura d'esti fechu social sangrientu y propiu del nuesu tiempu. Un momentu, el de la despidida, nel que se buscó la **solidariedá** y el **contactu directu** y candial cola **xente mozo** que tornaba a los sos llugares d'estudiu y trabayu tres de la ponte.

## igualdá>>

### Polos valores republicanos

**Mocedá d'Izquierda Asturiana** entamó tamién dellos **actos republicanos** enmarcaos dentro del homenaxe a la **Revolución d'ochobre de 1934**.



Asina, les **mocedaes del partíu Izquierda Asturiana**, asoleyaron un **Manifiestu Republicanu p'Asturies** que foi espardíu a miles de persones peles cais céntriques d'Uviéu amosando asina la so **refuga** colos actos de **despilfarru** y **desigualdá** que, añu tres d'añu, la Fundación Premios Príncipe entama n'Asturies.



Per otu lláu, fízose una cuelga de pancartes pela redolada d'Uviéu y nos accesos de les principales víes d'entrada a la ciudá con pancartes onde se lleía "**Monarquía?? Non, gracias!!**".

Pa rematar, nel salón d'actos de la Facultá d'Historia del campus del Milán, **Faustino Zapico**, **historiador y miembru de la Dirección Nacional d'Izquierda Asturiana** dió una conferencia entitulada "**Una propuesta republicana p'Asturies**", onde fizo un repás nel **republicanismu asturianu** y un apueste polos **valores humanistes** y **republicanos** como **modelu de gobiernu** pa cualquier país, finando l'actu con un alderique onde temas como la **xusticia social**, la **igualdá**, la **renta básica** y otres propuestas, fueron debatíos.

## llibertaes>>

### Antifascismu

**Mocedá d'Izquierda Asturiana** celledró na selmana del 20P un actu énte la estatua de Teijeiro n'Uviéu. L'**acción reivindicativa**, en primer llugar, consistió en facer un **embalaxe simbólicu** de la estatua, col que se quixo espeyar el deséu de la **retirada de los monumentos y señales del réxime franquista**.



En segundu llugar, tamién durante l'actu, miembros de **mias>>** esparcieron dellos exemplares de la so "**Guía Antifascista d'Uviéu**", un documentu nel que topamos una bona parte de los elementos que la organización propón retirar, desplicando amás del so **asitiamentu**, el so **significáu** y los sos **principales protagonistas**, al tiempu que se fai una **contestualización** de caún d'ellos.



Pa finar, lleóse un **manifiestu pola retirada de la simboloxía franquista**, documentu nel que se recueyen les principales reflexones, al rodiu d'esti tema, de la propia organización.

## +info>>

Tolos **documentos** asoleyaos y muncha información más d'estes y otres campañas podéis atopalo na nuestra **web**:

**[www.mias.as](http://www.mias.as)**

**Mocedá d'Izquierda Asturiana**

[www.mias.as](http://www.mias.as) >> [mias@ias.as](mailto:mias@ias.as)  
Primo de Rivera, 1, Oficina 9. 33001 Uviéu.